



SAKSFRAMLEGG

Sakshandsamar: Jan Erik Boge	Arkivkode: FE-411
Arkivsaksnr: 21/432	Løpenr: 21/8005
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	01.10.2021	087/2021

Konstituering av rådmann

01.10.2021 Kommunestyret:

Handsaming i møtet:

Framlegg til vedtak, foreslått av Knut Harald Frøland, Bygdalista

Jan Erik Boge vert konstituert som rådmann i Samnanger kommune med verknad frå 01.10.2021 og fram til ny fast rådmann startar i stillinga. Jan Erik Boge får i konstitueringsperioden permisjon frå den faste stillinga si som leiande rådgjevar.

Jan Erik Boge får same årslønn som den tidlegare faste rådmannen hadde før ho slutta i stillinga i september 2021, 1 060 000 kroner inkl. tillegg.

Det vert som følgje av at Jan Erik Boge mellombels går ut av den faste stillinga si i kommunen, løyvd inntil 200 000 kroner i 2021 til lønnsutgifter for vikar i den faste stillingsheimelen hans. Finansiering vert disposisjonsfondet.

Det vert løyvd inntil 30 000 kroner i 2021 til kjøp av ekstern rettleiing/mentorteneste for konstituert rådmann. Finansiering vert disposisjonsfondet.

Konstituert rådmann utpeikar sjølv kven som skal vera stadfortredaren hans i konstitueringsperioden.

Konstitueringa av Øystein Granheim som rådmann vert avslutta 01.10.2021. Kontrakten mellom Agenda Kaupang AS og Samnanger kommune om innleige av rådmann i perioden 08.09.2021 – 11.11.2021 vert også avslutta frå same dato, og erstatta med kontrakt om innleige av rådgjevar frå Agenda Kaupang AS fram til 11.11.2021. Dei økonomiske vilkåra vert ikkje endra som følgje av endringa av kontrakt, d.v.s. at den samla honorarramma for perioden 08.09.2021 – 11.11.2021 framleis vil vera ca. 558 000 kroner. Rådmannen får fullmakt til å signera kontrakten med Agenda Kaupang.

Justert framlegg til vedtak, foreslått av Knut Harald Frøland, Bygdalista

Jan Erik Boge vert konstituert som rådmann i Samnanger kommune med verknad frå 01.10.2021 og

fram til ny fast rådmann startar i stillinga. Jan Erik Boge får i konstitueringsperioden permisjon frå den faste stillinga si som leiande rådgjevar.

Jan Erik Boge får same årslønn som den tidlegare faste rådmannen hadde før ho slutta i stillinga i september 2021, 1 060 000 kroner inkl. tillegg.

Det vert som følgje av at Jan Erik Boge mellombels går ut av den faste stillinga si i kommunen, løyvd inntil 200 000 kroner i 2021 til lønnsutgifter for vikar i den faste stillingsheimelen hans. Finansiering vert disposisjonsfondet.

Det vert løyvd inntil 30 000 kroner i 2021 til kjøp av ekstern rettleiing/mentorteneste for konstituert rådmann. Finansiering vert disposisjonsfondet.

Konstituert rådmann utpeikar sjølv kven som skal vera stadfortredaren hans i konstitueringsperioden.

Kontrakten mellom Agenda Kaupang AS og Samnanger kommune om innleige av rådmann i perioden 08.09.2021 – 11.11.2021 vert avslutta, og erstatta med kontrakt om innleige av rådgjevar frå Agenda Kaupang AS fram til 11.11.2021. Dei økonomiske vilkåra vert ikkje endra som følgje av endringa av kontrakt, d.v.s. at den samla honorarramma for perioden 08.09.2021 – 11.11.2021 framleis vil vera ca. 558 000 kroner. Rådmannen får fullmakt til å signera kontrakten med Agenda Kaupang.

Handsaming:

Ordførar Knut Harald Frøland (BI) sette fram framlegg til vedtak.

Arild Røen (H) bad om gruppemøte.

Etter gruppemøtet bad Øyvind Strømmen (MDG) om at Knut Harald Frøland tok vekk den første setninga i det siste avsnittet i vedtaksframlegget sitt. Etter ein kort debatt om dette orienterte Knut Harald Frøland om at han trekte det første framlegget sitt, og han sette i staden fram eit justert framlegg. Det justerte framlegget vart samrøystes vedteke.

KS- 087/2021 Vedtak:

Jan Erik Boge vert konstituert som rådmann i Samnanger kommune med verknad frå 01.10.2021 og fram til ny fast rådmann startar i stillinga. Jan Erik Boge får i konstitueringsperioden permisjon frå den faste stillinga si som leiande rådgjevar.

Jan Erik Boge får same årslønn som den tidlegare faste rådmannen hadde før ho slutta i stillinga i september 2021, 1 060 000 kroner inkl. tillegg.

Det vert som følgje av at Jan Erik Boge mellombels går ut av den faste stillinga si i kommunen, løyvd inntil 200 000 kroner i 2021 til lønnsutgifter for vikar i den faste stillingsheimelen hans. Finansiering vert disposisjonsfondet.

Det vert løyvd inntil 30 000 kroner i 2021 til kjøp av ekstern rettleiing/mentorteneste for konstituert rådmann. Finansiering vert disposisjonsfondet.

Konstituert rådmann utpeikar sjølv kven som skal vera stadfortredaren hans i konstitueringsperioden.

Kontrakten mellom Agenda Kaupang AS og Samnanger kommune om innleige av rådmann i perioden 08.09.2021 – 11.11.2021 vert avslutta, og erstatta med kontrakt om innleige av rådgjevar frå Agenda Kaupang AS fram til 11.11.2021. Dei økonomiske vilkåra vert ikkje endra som følgje av endringa av

kontrakt, d.v.s. at den samla honorarramma for perioden 08.09.2021 – 11.11.2021 framleis vil vera ca. 558 000 kroner. Rådmannen får fullmakt til å signera kontrakten med Agenda Kaupang.

Rådmannen sitt framlegg til vedtak:

Saka blir lagt fram utan tilråding.

Kva saka gjeld:

Ordføraren bestemte 29.09.2021 at det skal haldast ekstraordinært møte i kommunestyret fredag 01.10.2021 kl. 16.00. Bakgrunnen for dette er at Statsforvaltaren i Vestland har varsla om at han vil koma med informasjon fredag 01.10.2021 kl. 12.00 knytt til den noverande konstitueringa av innleigd rådmann frå Agenda Kaupang. Det vart tidlegare i september oversendt krav til statsforvaltaren om lovlegkontroll av kommunestyret sitt vedtak frå 02.09.2021 om denne konstitueringa.

Det vart sendt e-post til medlemmene i kommunestyret 29.09.2021 kl. 15:49 med melding om at det blir ekstraordinært kommunestyremøte 01.10.2021 kl. 16:00. I e-posten vart det også informert om kva sak som kjem opp til handsaming i møtet, samt om at informasjonen som statsforvaltaren kjem med 01.10.2021 kl. 12:00 vil bli vidaresendt til medlemmene i kommunestyret så snart kommunen har motteke den.

Før statsforvaltaren kjem med informasjonen 01.10.2021 kl. 12:00, vil det ikkje vera avklart kva kommunestyret må ta stilling til i det ekstraordinære møtet same dag. Det kan eventuelt bli behov for at kommunestyret gjer eit nytt vedtak om konstituering av rådmann. Ordføraren vil i så fall truleg leggja fram framlegg til vedtak i møtet.